



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 48. An aliquando sit obligatio petendi veniam vel se insinuandi apud offensum.

**urn:nbn:de:hbz:466:1-42634**

**187** §. 5. Licitum est gaudere de suo emolumen-  
to per mortem proximi causato , v. g. hæres li-  
cità gaudet se accepisse bona per mortem alicu-  
jus , tale enim gaudium non terminatur ad mor-  
tem proximi , sed præsuppositâ morte versatur  
circa hæreditatem , de qua licità gaudet . Ob ean-  
dem rationem etiam licitum est desiderare emo-  
lumentum suum , quod obveniet per mortem  
alterius , potest enim desiderium terminari ad  
tale emolumenntm , absque eo quòd feratur in  
mortem proximi , quia desiderat , si fuerit , vel  
quando erit mortuus : foret autem illicitum , si  
affectus ferretur in ipsam mortem proximi tan-  
quam in medium pro obtinendo illo emolu-  
mento , unde cùm in hos similesque actus gaudii  
vel desiderii facilè se insinuet malus affectus , ex-  
pedit in praxi eos non admittere ob periculum  
peccandi . Vide *Vind. Gob.* p. 2. ad prop. 8. & 9.

**188** Q. 48. An aliquando sit obligatio petendi veniam  
vel se insinuandi apud offensum. R. §. 1. Tum est  
gravis obligatio ad petendam veniam vel quæ-  
rendam reconciliationem , quando alterum gra-  
viter offendisti , nec supereft aliud medium re-  
conciliandi , quia sicuti tenebaris non ponere  
offensam , ita teneris eam tollere .

**189** §. 2. Non est obligatio petendi veniam , 1. si  
inuria non fuerit gravis , aut si alter intulerit  
graviorem . 2. Quando aliter satisfieri potest  
læso , v. g. per pecunias , per alia signa honoris  
vel amicitiæ , per intercessionem aliorum . 3.  
Quando injuriæ mutuæ se compensant . 4. Quan-  
do læsus petitionem veniæ non curat , vel censem-  
tur remittere . 5. Si læsus per illam magis ex-  
acerbaretur . 6. Quando apud aliquos , v. g. no-  
biles ,

biles viros, illa in usu non est, sed aliter fieri solet reconciliatio. 7. Quando offendens est longè superior offenso, nisi fortè enormitas injuriæ urgeret, ut etiam à subdito veniam peteret. 8. Quando prudenter præsumitur alterum non acquieturum nec correspondurum, si tu pro tua parte veniam peteres & satisfacere velles. 9. Quando alter exigit insuetam humiliationem, nam ad extraordinariam & ita arduam non teneris ante sententiam Judicis, ita *Castrop.* d. 1. p. 6. *Tamb.* in Dec. I. 5. c. 1. §. 3.

§. 3. Qui priùs offendit, etiam priùs contraxit obligationem satisfaciendi, ideoque, per se loquendo, & cæteris paribus, ipse tenetur priùs veniam petere aut dare signa reconciliationis, ita *Nav. Bonac. & Con.* Si tamen prior offendens levem injuriam intulit & posterior graviorem, vel si prior est longè nobilior, posterior autem inferior, prior poterit suspendere satisfactionem, usque dum posterior etiam debitam præstet, ita cum *Bonac. Con. Regin. Castrop.* n. 13. Addit *Tamb.* n. 27., si omnibus consideratis non sit major ratio, cur unus potius quam alter debat esse prior in venia petenda, tunc utrumque teneri pro data occasione incipere, nisi consuetudo esset, ut unus deberet prævenire, sic enim moris est, ut ille, qui transit vel accedit, priùs salutet illum, qui stat.

§. 4. Qui fugit, ne occurrat inimico, quem à longè videt, si inimicus advertat id fieri propter se & graviter sentiat, est mortale contra Charitatem, si autem non advertat, vel non multum curet, non erit mortale, *Spor. in mor. t. 2. c. 6. n. 2 8.*, addens n. 29. tum tantum peccari

morta-

mortaliter non salutando , quando ex circumstantiis colligitur omitti ex odio , inimicitia vel vindicta ; quod si tantum sit ostensio justi doloris vel fastus aliquis aut aliud simile , non videatur fore mortale , ut innuit *Tamb. n. 16.* , & docet *Spor. n. 32.* Res tamen periculosa est , quia facile subest spiritus odii vel vindictæ .

**192** §. 5. Si allocutio vel ostensio benevolentiae non sit debita , & tamen prævideas ex illa futurum , ut inimicus odium deponat , teneris alloqui , si sine multa animi difficultate possis : si autem notabilem difficultatem patereris , non teneris , quia bonum speciale proximi , quale tunc est depositio odii , tenemur quidem ex Charitate curare cum aliquo , non tamen cum magno incommodo , *Suar. Con. Castrop. Tamb. Burgh. cent. 2. cas. 66.*

**193** §. 6. Ad declarandum magis præceptum diligendi inimicos , infert *Petr. March. t. 2.t. 2. t. 4. f. 2. q. 1. §. 4.* quicumque non impedit injustum damnum grave sui inimici , quando absque aliquo alicujus momenti detimento impedire potest , peccat mortaliter , quia re ipsa ostendit se odium habere , quod mortale est , ubi materia est gravis .

### D U B I U M III.

#### *De Præcepto Eleemosynæ seu misericordiæ corporalis.*

**194** " Suppono I. Hujus præcepti obligationem na-  
" sci ex duplice capite , I. Ex necessitate proximi  
" egentis . 2. Ex persona possidentis bona , vel ne-  
" cessaria , vel superflua .

Sup-